

BLUE GRANTS FUND 5



May 3 – June 11

Lapel pour bann Proze

Sesel in resaman klasifye 30% son lespas maritim konman en landwar ki anba proteksyon lanvironman. Pou asire ki zestyon i ganny fer dan en fason adaptiv, pei i bezwen redres sa gran mankman dan nou bann konesans par inisy e plis resers e par ranforsi kapasite bann akter konsernen ki dan domenn zestyon e dan biznes maritim.

Atraver Fon 'Blue Grants' ki ganny zere par SeyCCAT, nou pe envit tou lorganizasyon, biznes, lazans Gouvernman, e sitwayen ki baze Sesel pou fer laplikasyon pour sa fon 'Blue Grants Fund 5'. Sa lannen, SeyCCAT i le ofer pti (ziska SCR 100,000), mwayen (ziska SCR 1 milyon), e gran (ziska SCR 2 milyon, me avek kondisyon) nivo finansman avek bann proze ki siport enn ant sa 4 lobzektif stratezik SeyCCAT:

LOBZEKTIF STRATEZIK 1:

- Fer bann kontribisyon/resers e/oubyen kontribye dan kreasyon bann 'zone' e devlopman bann plan zestyon pour bann landwar ki anba proteksyon.
- Fer bann kontribisyon/resers e/oubyen kontribye dan kreasyon e/oubyen lenplimantasyon bann plan zestyon ki an egzistans oubyen kin ganny propoze pour bann landwar ki anba proteksyon.
- Devlop/kontribye dan bann letid de baz e bann zouti/program swivi pour bann landwar ki anba zestyon (e.g. evalyasyon bann resif koray) e bann lendikater (biolozik, ekolozik e sosyo ekonomik) pour bann plan zestyon.
- Devlop konesans pou ede konpran bann rol ki serten lespes kle i zwe dan transformasyon zot lanvironman – bann lespes kle (e.g. bann erbivor e bann predater)
- Fourni resers pou konpran nivo rezilyans bann resif koray e bann labita relevan anliny avek sanzman klima e leksplwatasyon.
- Fourni resers lo tanperatir sirfas lanmer (TSL), bann kouran dan lanmer e bann sanzman dan dispersyon bann labita kritik.
- Fourni resers ki sirvey nivo kalite nou delo atraver resansman vizyel anba lanmer, tanperatir, loksizenn e nitrisyon, debri, teknik statistik pou fer bann prediksyon dan bann park maren oubyen bann landwar kin ganny dezinyen pour lizaz soutenab.
- Kontribye pou amelyor kapasite bann lazans pour bann landwar ki anba proteksyon e ogmant lefikasite zestyon maritim.
- Ranforsi bann striktir/organ ki ede avek zestyon e bann partenarya pour zestyon bann landwar maritim.

- Fer kontribisyon/resers oubyen fer lesey avek bann zouti pou fer swivi, sirveyans, e met kontrol dan bann landwar ki anba proteksyon.
- Devlopman bann striktir pour lenvestisman e bann stratezi finansyer pou ogmant finansman ki al ver bann landwar maritim ki anba proteksyon/devlopman bann plan operasyonel pour biznes/ 'scheme' pour zestyon, bann stratezi ki pou enpakte lenvestisman.

LOBZEKTIF STRATEZIK 2:

- Kontribye pou amelyor bann prosedir fer desizyon dan sa ki konsern zestyon lapas atraver devlopman bann lareg ki kontrol rekolt oubyen evalyasyon bann stratezi lo zestyon bann lenformasyon – lapas limite.
- Fer kontribisyon/resers e kontribye dan kreasyon e/oubyen lenplimantasyon bann plan e polisi pour zestyon dan sekter lapas¹ (e.g. etidye potansyel bann dwa lo akse pour bann akter dan sekter lapas (oubyen bann lezot litalizater oubyen akter) dan bann landwar e fer bann lesey eksploratwar pour bann mezir zestyon pour progresyon lapas soutenab).
- Kontribye dan konservasyon e ede avek zestyon bann lespes ki andanze e andanze disparisyon, atraver zestyon lapas (e.g. bann lespes reken).
- Fer evalyasyon bann risk, endikater oubyen bann stok pour bann lespes ki annan gran valer komersyal.
- Fer evalyasyon bann risk, endikater oubyen bann stok pour 'bycatch' ki enkli bann lespes pwason e bann lespes ki andanze e andanze disparisyon (standar MSC FIP).
- Fer resers lo lapas komersyal e rekreasyonel ki ganny fer lo en pti nivo, ki pour lemoman pa pe ganny swiv oubyen evalye, e.g. lapas bann lespes ki napa kolonn vertebral e ki viv dan bann labita ki ganny transformen par bann mare.
- Konplimant evalyasyon nasyonal lo rekolt bann peser atraver provizyon pour plis lenformasyon o nivo (an term rezolisyon) lo lapas, swa atraver bann nouvo lenformasyon oubyen par met azour bann lenformasyon ki deza la (e.g. rekolt, zefor lapas).
- Letid biolojik ki siport zestyon lapas, tel ki swivi istorik (e.g. estimasyon lo bann paramet onivo devlopman, groser ler ariv nivo matirite), konportman reproduktiv (e.g. kongregasyon repetitif dan bann landwar kot bann lespes i reprodwir), konportman (e.g. lefikasite bann lekipman lapas).
- Resers e Devlopman pou amelyor soutenabilite bann pratik e lekipman lapas (e.g. amelyorasyon dan kreasyon bann kazye), diminye 'bycatch', etc.
- Devlop pli bon pratik oubyen fason fer pour lapas soutenab (e.g. manye e zet 'bycatch', larg bann pti pwason).
- Antreprann resers sosyal, ekonomik e kiltirel dan domenn lapas.
- Lenpak bann lespes 'algae' kin fleri lo lapas anzeneral, ki enkli kiltivasyon bann lespes maren (evalyasyon lo lefe advers ki bann 'algae' i annan lo lapas ler zot fleri (tre pertinan globalman e lenplikasyon medikal pour bann konsonmater).
- Distribisyon spasyal, son nivo e kou ekonomik relye avek polisyon, enkli son bann lenpak lo lapas.
- Letid lo lenpak bann lekipman lapas ki atrakte pwason (FADs) lo lapas antro/bann lenpak lo bann lespes ki pa pe ganny targete/FADs ki pe ariv lo lans dan bann labita bor lakot.
- Ranforsman bann striktir/organ ki ede avek zestyon, ki enkli ranforsman bann lasosyasyon lapas.

¹ Lalis bann Plan Zestyon – Comprehensive Fisheries Management Plans, Mahe Plateau Demersal Plan,

LOBZEKTIF STRATEZIK 4:

- Etidye bann lenpak potansyel ki sanzman klima i kapab annan lo bann lekosistenm ki dan en leta kritik, bann byen e bann servis (e.g. prodiktivite dan lapes) e fer bann rekonmandasyon lo ki manyer bann lenpak negativ i kapab ganny adrese pour sofgard soutenabilite.

LOBZEKTIF STRATEZIK 5:

- Bann letid dan kad fezabilite (ekonomik/lanvironman/sosyal) lo potansyel pour kiltiv bann lespes maren (aquaculture) e bann lespes ki pou ganny kiltive (lanfaz i lo staz resers e devlopman) e teste.
- Bann letid dan kad fezabilite (ekonomik, lanvironman) lo bann sistenm entegre ki target diferan nivo lespes dan en lekosistenm dan kiltivasyon lespes maren (IMTA) (e.g. bann pwason natif ankonbinezon avek bann lespes ki lo en nivo abese dan lasenn ekolojik ki tret bann restan e egalman anmenn larzan).
- Prepar bann plan biznes, bann loportinite pour devlopman bann marse e bann letid lo fezabilite, devlopman prodwir pour adres sa staz apre rekolt dan sekter lapes, e bann servis lanvironman.
- Eksplor rol e devlopman kapasite dan sekter prive e finansman pour pti e mwayen lantrepriz pou siport valer azoute dan kiltivasyon bann lespes maren dan Sesel.
- Evalye bann lenpak ekonomik ki polisyon maren i annan: sa tranzisyon dan bann lanbalaz, pou ranplas bann anplastik e 'styrofoam' avek bann ki biodegradab; ki sinyal en sanzman pri.
- Devlop kapasite e lekspertiz pour devlopman sekter kiltivasyon bann lespes maren (aquaculture) dan domenn resers e devlopman, swivi dan lasante akwatik (ki enkli bann test dyagnostik), reproduksyon e elevaz, loperasyon e transformasyon, e komersyalizasyon.
- Devlop bann zouti e kapasite pou kre, ranforsi, transform bann model soutenab pour biznes dan sekter lekonomi ble.
- Devlop e/oubyen fer lesey avek bann model soutenab pour biznes pou ogmant finansman ki antre kot bann landwar ki anba proteksyon maren (e.g. devlopman bann plan operasyonel pour biznes/ 'scheme' pour zesyon), ki rezilyan avek bann lenpak COVID-19.

NOUVO: Fon 'Blue Business' – Sa lannen SeyCCAT pe ofer en sonm SCR 150, 000 avek en lantrepriz/lantreprenere ki pou kontribye anver lekonomi ble Sesel dan okenn sekter ki relye avek Lekonomi Ble. Evalyasyon pou ganny fer baze lo dokiman ki dekri ou nide (Concept Note) e ou Papye Proze (Project Proposal) ki konplet e lo nivo Staz 2. Sa fon i kapab al ver resers e devlopman, fon pou konmans en biznes e pou kontribisyon personnel lo en 'loan' pour en nouvo 'blue' biznes (me pa pou repey en det aktyel).

Pou soumet ou laplikaston, swiv bann letap lo [SeyCCAT website](#), swiv SeyCCAT lo rezo sosyal tel ki 'Facebook' e 'Instagram', oubyen kontakte nou lo info@seyccat.org

